



ACTA DA SESIÓN PLENARIA DE CONSTITUCIÓN DO CONCELLO DE SILLEDA

En Silleda, ás 13:04 do día 13 de xuño de 2015, en cumprimento do disposto nos artigos 195 e 196 da Lei orgánica 5/1985, do 19 de xuño, do réxime electoral xeral, e 37 do Regulamento de organización, funcionamento e réxime xurídico das entidades locais aprobado por Real decreto 2568/1986, do 28 de

ASISTENTES

Concelleiros

D. Klaus Brey Montaña
D. Manuel Cuiña Fernández
D. José Luis Espiño Espantoso
Dna M^a José Fernández Rodríguez
Dna M^adel Carmen Folla González
Dna. Ana Luisa González Costa
Dna. Natalia Iglesias Méndez
D. Ignacio Maril Pardo
Dna. M^a del Pilar Peón Iglesias
D. José Antonio Ramos Dobarro
D. Matías Rodríguez da Torre
D. Luis Rodríguez Vázquez
D. Jesús Taboada Lázara

SECRETARIA

María Cacharro López

novembro, e para o efecto de levar a cabo a constitución da Corporación municipal de Silleda, surxida das eleccións que tiveron lugar o día 24 de maio de 2015, reúnen os Sres. Concelleiros enumerados á marxe, asistidos pola secretaria, que dá fe do acto. Asiste tamén o interventor municipal, D. Manuel Quintáns Queiruga.

FORMACIÓN DA MESA DE IDADE

En cumprimento do previsto na normativa de réxime electoral xeral e de réxime local, debe constituirse unha Mesa de Idade, integrada neste caso por Jesús Taboada Lázara e M^a José Fernández Rodríguez, que son os candidatos electos de maior e menor idade, respectivamente, presentes na sala.


CONSTITUCIÓN DA CORPORACIÓN

A Mesa comproba a personalidade dos restantes candidatos electos e, dado que está presente a maioría absoluta dos mesmos, declara constituída a Corporación, tal e como establece o artigo 195.4 da LOREG.

TOMA DE POSESIÓN DOS CONCELLEIROS

En cumprimento do artigo 108.8 desta mesma norma, no momento de tomar posesión e para adquirir a plena condición dos seus cargos, os candidatos electos deben xurar ou prometer acatamento á Constitución.

Comezan facendoo os integrantes da Mesa de idade. O Sr. Presidente, preguntado pola Secretaria municipal se xura ou promete pola súa conciencia e a súa honra, cumprir fielmente as obrigas do cargo de concelleiro do Concelo de Silleda, e gardar e facer gardar a Constitución como norma fundamental do Estado, resposta, "Sí, prometo". Pola súa banda, a Sra. Fernández Rodríguez



Aprobada na sesión ordinaria do 30/07/2015

Mañá



da lectura á fórmula prevista no Real Decreto 707/1979, do 5 de abril. A continuación, a Secretaría vai chamando por orde alfabética aos restantes electos, que toman posesión como concelleiras e concelleiros, xurando ou prometendo acatar a Constitución.

D. Klaus Brey Montaña
D. Manuel Cuiña Fernández
D. José Luis Espiño Espantoso
Dna M^adel Carmen Folla González
Dna. Ana Luisa González Costa
Dna. Natalia Iglesias Méndez
D. Ignacio Maril Pardo
Dna. M^a del Pilar Peón Iglesias
D. José Antonio Ramos Dobarro
D. Matías Rodríguez da Torre
D. Luis Rodríguez Vázquez

ELECCIÓN DO ALCALDE

De seguido, para elixir Alcalde debe seguirse o procedemento que establece o artigo 196 da Lei orgánica 5/1985, do 19 de xuño, do réxime electoral xeral. En primeiro termo, a Secretaría pregunta aos concelleiros que encabezaron as correspondentes listas electorais se manteñen a súa candidatura a alcalde ou se a retiran.

Manteñen a súa candidatura: Manuel Cuiña Fernández e Matías Rodríguez da Torre

Retira a súa candidatura: José Luis Espiño Espantoso

Despois da proclamación dos candidatos, procédese á votación ordinaria, co seguinte resultado:

— D. Manuel Cuiña Fernández PSdeG-PSOE: 7 votos

— D. Matías Rodríguez da Torre BNG: 1 voto

Abstencións: 5

Dado que a candidatura de Manuel Cuiña Fernández obtivo 7 votos, que fan a maioría absoluta dos membros da Corporación, queda proclamado Alcalde do Concello de Silleda.

TOMA DE POSESIÓN

A continuación, Manuel Cuiña Fernández achégase á Mesa e, previa promesa de acatamento á Constitución segundo a fórmula prevista no Real Decreto 707/1979, do 5 de abril, toma posesión do cargo de Alcalde do Concello de Silleda, facéndolle entrega o Presidente da Mesa de Idade do bastón de mando da Corporación. O Sr. Alcalde pasa a ocupar a presidencia da sala, polo que queda disolta a Mesa de Idade.

Unha vez na Presidencia, o Sr. Alcalde cede a palabra ao Sr. Rodríguez da Torre, candidato á Alcaldía polo BNG, que solicitou unha intervención para

explicar brevemente as razóns da súa candidatura. Tratábase, en síntese, de gobernar para facer de Silleda un concello galego, orgulloso de pertencer a unha nación milenaria. Un concello social, participativo, aberto, de esquerdas, e que frenara as tentacións das maiorías absolutas de coutar a democracia.

Toma a palabra o Sr. Alcalde para agradecer, en primeiro lugar, o tono da intervención do Sr. Rodríguez da Torre, así como os parabéns que recibiu na mesma noite electoral do voceiro do Partido Popular, Sr. Espiño, interpretando a retirada da súa candidatura á Alcaldía como un voto de confianza. Espera que os vindeiros anos sexan prósperos para Silleda, e para isto confía en chegar a acordos cos demais grupos.

A continuación, destaca o feito de que a súa candidatura fora a gañadora non só en número de concelleiros, senon tamén en número de votos. Lembra as dificultades habidas nos oito anos anteriores ata chegar a este resultado, que é froito do intenso e constante traballo levado a cabo. Pide por isto un aplauso para os concelleiros e persoas que colaboraron neste proxecto.

Logo do aplauso, sinala que a partir de hoxe mesmo o equipo comeza a traballar para poner en marcha as políticas que consideran necesarias para o Concello. Anuncia que axiña farase o pleno organizativo e, de seguido, a aprobación dos orzamentos.

Remata o Sr. Alcalde agradecendo aos silledenses a súa participación nas eleccións, incluíndo aos que non participaron, porque seguramente non podían, e da finalmente as grazas aos que confiaron no seu grupo, así como a todos os presentes, por acompañarnos no día de hoxe.

Dito esto, o Sr. Alcalde dá por rematada a sesión ás 13:25 horas, do que, como secretaria, dou fe.

Vº e Pr.
O alcalde


Manuel Cuiña Fernández

A secretaria


María Cacharro López

